

**Иже во святых отца нашего Ионы,  
митрополита Московскаго и всея России**

**Стихиры на 8, глас 4.**

**Подобен: Званный свыше:**

**1. Стих:** Из глубины возвах к Тебе, Господи,/ Господи, услыши глас мой.

**Е**гда Божественное найде на тя звание,/ Ионо Богомудре,/ тогда мир и яже в мире оставил еси/ и Христу последовал еси невозвратным помыслом./ Отонудуже Всевидящее Око,/ видев твоё доброе произволение,/ святительством тебе украшает./ Сего моли и Тому помолися// спасти и просветити души наша.

**2. Стих:** Да будут уши Твои/ внимлюще гласу моления моего.

**Е**гда Божественное сияние в сердца твоем,/ Ионо святителю, вселися,/ тогда радость пресветлую/ и пречестную славу восприим,/ отсюду вся сущая, яко преходящая, имёл еси,/ единому же Богу от сердца прилепился еси./ Того моли и Тому помолися,/ великий во архиереех,// спасти и просветити души наша.

**3. Стих:** Аще беззакония назриши, Господи, Господи, кто постоит;/ яко у Тебе очищение есть.

**Е**гда Божественное рачение найде на тя, святителю,/ тогда, весь от юности себе Владыце Христу возложив,/ Сего возжелёл еси/ и, всяких страстей, долу влекущих, очищся,/ отсюду дом и жилище Пресвятаго Духа явился еси,/ преславная содевая чудодейства.// Христа моли спасти и просветити души наша.

**Ины стихиры, глас тойже.**

**Подобен: Яко добля:**

**4. Стих:** Имене ради Твоего потерпех Тя, Господи, потерпе душа моя в слово Твое,/ упова душа моя на Господа.

**Н**а земли, яко Ангел, пожив,/ всеблаженне святителю Ионо,/ над страстьми воцарился еси,/ худшее покорил еси лучшему./ Темже, прешед к непреходящему Царствию,/ молися

присно низпослати верно чтущим тя// грехов очищение и велию милость.

**5. Стих:** От стражи утренняя до ночи, от стражи утренняя,/ да уповаеет Израиль на Господа.

**Богодарованную** ти паству,/ святителю Ионо,/ твоими учении добре упасл еси/ на злцех животных,/ ныне же прешед к незаходимому сиянию/ и присносущному веселию,/ поминай, преблаженне, люди,/ чтущия честное успение твоё,// и моли спастися душам нашим.

**6. Стих:** Яко у Господа милость и многое у Него избавление:/ и Той избавит Израиля от всех беззаконий его.

**Великаго** архиерея, Ионы блаженнаго,/ священную память днесь совершающе,/ Божественными песньми, приидите вси, почтим/ о нас всегда молящася,/ низпослати множество щедрот// и спасение душам нашим.

### **Слава, глас 6. Самогласен:**

**Благоухает** Божественная рака мощей твоих,/ Ионо святителю,/ всем верным исцеление душам и телесем дарующи./ Темже тя молим/ Богодарованное твоё стадо в мире соблюсти,/ отечество же и все православие,/ да вси тебе, яко истиннаго пастыря/ и молитвенника к Богу,// непрестанно величаем.

### **И ныне, Богородичен:**

**Кто** Тебе не ублажит, Пресвятая Дево;/ кто ли не воспоеет Твоего Пречистаго Рождества;/ безлетно бо от Отца возсиявый Сын Единородный,/ Тойже от Тебе, Чистыя, пройде,/ неизреченно воплощся,/ естеством Бог Сый,/ и естеством быв Человек нас ради;/ не во двою лицу разделяемый,/ но во двою естеству неслитно познаваемый./ Того моли, Чистая Всеблаженная,// помиловатися душам нашим.

**Таже вход. Прокимен дне. Паремии.**

## **НА СТИХОВНЕ СТИХИРЫ, ГЛАС 1.**

**Подобен: Небесных чинов:**

**Б**огомудре Ионо святителю,/ ты твоими моли́твами и постом,/ бдѣнием же и милостынею Богу соединился еси́,/ темже Духа Пресвятаго дом и жилище показался еси́,/ отонудуже и архиерей Церкви Христовы был еси́.// Моли спастися душам нашим.

**Стих: У**ста моя возглаголют премудрость,/ и поучение сердца моего разум.

**П**овинуясь заповеди Бога Вседержителя,/ темже от юности твоей Того стопам, святителю, последовал еси́,/ сего ради от Него благодать приял еси́/ действовать преславная чудеса и духи прогнати лукавыя// от всех, любовию чтущих тя.

**Стих: У**слышите сия, вси языцы,/ внушите, вси, живущий по вселенней.

**К**роток и незлобив во всей жизни твоей пребыл еси́,/ святителю Ионо,/ сего ради обрел еси́,/ якоже возжелел еси́, на Небесех со святыми покой./ Темже почитаем Божественную память твою́,/ верую празднующе,// Богоблаженне и всечестне.

**Слава, глас 4. Самогласен:**

**Е**гда убо Богу поспешествующу ти, святителю,/ Царствующаго града достигл еси́,/ тогда от патриарха честно прият был еси́/ и оттуду паки к Российским странам посылаемь бываеши,/ мир и благословение с собоюнося./ Темже и Российская страна тебе с любовию,/ яко отца, восприимлет./ И судом Божиим, и самодержца хотением/ преславно на архиерейский престол возводим бываеши,/ на немже многа лета живь,/ ко Господу отходиши!// Того моли спасти любовию поющия тя.

**И ныне, Богородичен, глас 4:**

**П**ризри на моления Твоих раб, Всенепорочная,/ утоляющи люта на ны востания,/ всякия скорби нас изменяющи./ Тя бо, Едину, твердое и известное Утверждение имамы,/ и Твое предстательство стяжахом./ Да не постыдимся, Владычице, Тя призывающии,/ потщися на умоление, Тебе верно вопиющих:/ радуйся, Владычице, всех Помоще,// Радосте и Покрове, и Спасение душ наших.

### Тропарь, глас 4:

**О**т юности твоей весь сам себе Гóсподеви возложív,/ в мо-  
лítвах, и трудéх, и в постéх образ быв добродéтели,/ ото-  
нудуже видев Бог твоé благое произволéние,/ архиерéя ты и пасты-  
ря Церкви Своей устрóяет./ Тёмже и по преставлении честное тело  
твоé/ цéло и нетленно соблюдéся,/ Ионо святítелю,/ моlí Христа  
Бога, // да спасёт души наша.

### Ин тропарь, глас 3:

**Я**рём Господень измлада воспрíим,/ и Того стопам невозвратным  
желанием послéдовал есí,/ и освящённаго подвига достíже/ святи-  
тельства паству прíим и чудес от Бога дары́ прият,/ с верою прихо-  
дящим к раце мощéй тво́их/ подаéши различным недугом исцеление  
неоскúдно,/ отче наш Ионо, святítелю Христóв, // моли Христа Бо-  
га даровати нам вéлию милость.

### Ин тропарь, глас тойже:

**Б**ожественною благодатию просветívся/ и по смерти показуя свет-  
лость жити́я твоегó,/ источаеши мíрови благоухáния,/ притекаю-  
щим к раце мощéй тво́их,/ и народи Московстии наставляеши ко  
свету богоразúмия,/ Ионо, óтче нáш, // моли Христа Бога даровати  
нам вéлию милость. //

### Слава, и ныне, Богородичен.

**Величание:** Величаем тя,/ святителю отче Ионо,/ и чтим святую  
память твою,/ ты бо молиши о нас// Христа Бога нашего.

**Псалом избранный:** Блáго есть исповéдаться Гóсподеви и пéти  
íмени Твоемú, Вы́шний. Свящённицы Тво́й облекúтся правдою, и  
преподóбнии Твои возра́дуются. Повém íмя Твоé брáтии моéй, по-  
средé цёркве воспою́ Тя. Приидíte чáда, послу́шайте менé, стра́ху  
Госпóдню научú вас.

### Степенна, 1-й антифон 4-го гласа.

**Таже, прокимен:** Уста моя возглаголют премудрость/ и поучение  
сердца моего разум.

**Стих:** Услышите сия, вси языцы, внушите, вси, живущий по все-  
лénней.

**Евангелие святительское.**

**По 50-м псалме стихира, глас 6:**

**Благоухает** Божественная рака мощей твоих,/ Ионо святителю,/ всем верным исцеление душам и телесем дарующи./ Тёмже ты молим/ Богодарованное твоё стадо в мире соблудити,/ отечество же и все правосла́вие,/ да вси тебе, яко и́стиннаго па́стыря/ и молитвенника к Бо́гу,/ непреста́нно велича́ем.

**Канон Богородицы на 6 и святого на 8.**

**Канон Пресвятыя Богородицы, егоже краеграние – Мати Божия, незави́стную ми даждь благодать. Глас 6.**

**Песнь 1**

**Ирмос:** Яко по суху, пешешествовав Израиль/ по бездне стопами,/ гонителя фараона/ видя потопляема,/ Богу победную песнь/ поим, вопияше.

**Канон святого Ионы, глас 8.**

**Песнь 1**

**Ирмос:** Воду проше́д, яко су́шу,/ и египетскаго зла́ избежа́в,/ израильтянин вопия́ше:/ Избавителю, и Богу на́шему по́им.

**Катавасия:** Отве́рзу уста моя́,/ и напо́лнятся Ду́ха,/ и слово отрыгну Царице Ма́тери,/ и явлюся светло торжеству́я, // и воспою ра́дуясь То́я чудеса́.

**Песнь 3**

**Ирмос:** Несть свят,/ якоже Ты, Господи Боже мой,/ вознесый рог верных Твоих, Блаже,/ и утверди́вый нас на камени/ исповедания Твоего.

**Ин**

**Ирмос:** Небеснаго круга/ Верхотворче, Го́споди,/ и Це́ркве Зиждителю,/ Ты мене утверди в любви́ Твоёй,/ желаний краю, вер-

ных утверждение, // еди́не Человеколю́бче.

**Катавасия:** Твоя песнословцы Богоро́дице, / живы́й и незави́стный исто́чнице, / лик себе совокупльшия, духовно утверди́, / в божественней Твоей сла́ве // венцев сла́вы сподоби.

### Ин кондак, глас 8:

**Желанием** духовным постническое житие совершив / и святительства паству при́йм, / чистоты ради телесныя и тело твоё Владыка Христос соблюде́ нетленно, / и Петру чудотворцу наследника тя соде́ла, / и того нраву последовал еси́, / и учителя тя Христос Своему стаду дарова, / иде́же лежат целёбныя мощи твоя, / благоухают, яко от кадила благовонна, / и подают исцеления немощным, верою приходящим, / святителю Ионо, моли Христа Бога непрестанно о всех нас.

### Песнь 4

**Ирмос:** Христос моя сила, / Бог и Господь, Честная Церковь / боголе́пно поёт, взывающи, / от смысла чиста о Господе празднующи.

### Ин

**Ирмос:** Услы́шах, Го́споди, / смотрения Твоего та́инство, / разумех дела́ Твоя // и просла́вих Твоё Божество́.

**Катавасия:** Седя́й в сла́ве, / на престоле Божества, / во облаце лёгце, / при́иде Иису́с Пребоже́ственный, / нетленною длáнию, / и спасе зову́щия: // слава, Христé, силе Твоей.

### Песнь 5

**Ирмос:** Божиим светом Твоим, Блаже, / утренюющих Ти души люббвию озари, молюся, / Тя ве́дети, Слове Божий, / йстиннаго Бога, / от мрака грехбвнаго взывающа.

### Ин

**Ирмос:** Векую мя отрину́л еси́ / от лица Твоего, Свете незаходи́мый, / и покрыла мя есть чуждая тьма́, ока́ннаго? / Но обрати мя и к свету за́поведей Твои́х / пути моя напра́ви, молю́ся.

**Катавасия:** Ужасошася всяческая/ о божественней славе Твоей:/ Ты бо Неискусобрачная Дѣво,/ имела еси во утробе над всеми Бѳга,/ и родила еси Безлетнаго Сына,/ всѣм воспевающим Тя// мѳр подающая.

### Песнь 6

**Ирмос:** Житейское море,/ воздвигаемое зря напастей бурю,/ к тихому пристанищу Твоему притѣк, вопию Ти:/ возведи от тли живот мой, Многомѳлостиве.

### Ин

**Ирмос:** Молитву пролию ко Гѳсподу/ и Тому возвещу печали моя,/ яко зол душа моя исполнися,/ и живот мой аду приближися/ но молюся яко Иѳна:// от тли, Бѳже возведи мя.

**Катавасия:** Божественное сие и всечестное/ совершающее прѳзднество/ богомудрии Богоматере,/ приидите руками восплещим,// от Нея рождшагося Бѳга славим.

### КОНДАК, ГЛАС 8.

**Подобен: Взбранной:**

**Я**ко от младѣнства Господеви поработив себе, мудре,/ постом и бдением тело твоѣ удручая,/ тѣмже сосуд чист и дом Духу Пресвятому явился еси,/ сего ради и Церкви Своей тебе архиерея и пастыря устрояет,/ юже добре упас, ко Господу отходиши, Егоже возлюбил еси./ Тем молим тя:/ поминай нас, верую чтущих святую память твою, да вси зовѣм ти:/ радуйся, отче И оно, святителю всечестный.

### Песнь 7

**Ирмос:** Росодательну убо пещь/ содела Ангел/ преподобным отроком,/ халдеи же опаляющее/ веление Бѳжие мучителя увеща вопѳти:/ благословен еси, Бѳже отец наших.

### Ин

**Ирмос:** От Иудеи дошедше, ѳтроцы/ в Вавилѳне иногда/ верую Тройческою пламень нещный попраша, поюще:// отцѣв Бѳже, благословѣн еси.

**Катавасия:** Не послужиша твари богомудрии/ паче Создавшего,/ но огненное прещение мужески поправше,/ радовахуся поюще:// препетый отцев Господь и Бóg благословен еси.

### Песнь 8

**Ирмос:** Из пламене преподобным росу источил еси/ и праведнаго жертву водою попалил еси:/ вся бо творйши, Христе, токмо еже хотети,/ Тя превозносим во вся веки.

### Ин

**Ирмос:** Царя Небеснаго,/ Егоже поют вои Ангельстии,// хвалите и превозносите во вся веки.

**Катавасия:** Отроки благочестивыя в пещи,/ Рождество Богородичо спасло есть,/ тогда убо образуемое,/ ныне же действуемое,/ вселенную всю воздвизает пети Тебе:/ Господа пойте дела,// и превозносите Его во вся веки.

### Песнь Пресвятой Богородицы

1. Величит душа Моя Господа,/ и возрадовася дух Мой о Бозе Спасе моем.

Честнейшую Херувим и славнейшую без сравнения Серафим, без исления Бога Слова рождшую, сущую Богородицу, Тя величаем.

2. Яко призре на смирение рабы Своея,/ се бо от ныне ублажат Мя вси роди.

3. Яко сотвори Мне величие Сильный,/ и свято имя Его, и милость Его в роды родов боящимся Его.

4. Сотвори державу мышцею Своею:/ расточи гордыя мыслию сердца их.

5. Низложи сильныя со престол и вознесе смиренныя;/ алчущия исполни благ и богатыя отпусти тщи.

6. Восприят Израиля отрока Своего, помянути милости,/ якоже глагола ко отцем нашим, Аврааму и семени его, даже до века.

### Песнь 9

**Ирмос:** Бога/ человеком невозможно видети,/ на Негоже не смеют



чини Ангельстии взирати,/ Тобою же, Всечы́стая, явй́ся человеком/  
Слово воплощённо,/ Егоже величающе,/ с Небесными вой/ Тя  
ублажаем.

### Ин

**Ирмос:** Вои́стинну Богоро́дицу/ Тя́ испове́дуем,/ спасе́ннии Тобою,  
Де́во Чы́стая, // с Безплотными лики Тя́ велича́юще.

**Катавасия:** **Вся́к** земноро́дный/ да взыграется Духом просве-  
ща́емь,/ да торжествует же безплотных умов естество́,/ почитаю-  
щее священное торжество́ Богома́тере,/ и да вопиёт:/ ра́дуйся  
Всеблаже́нная// Богородице, Чы́стая Присноде́во.

### НА ХВАЛИТЕХ СТИХИРЫ НА 4, ГЛАС 8.

**Подобен: О,** преславнаго чудесе́:

**1. Стих:** Хвалите Его на силах Его,/ хвалите Его по множеству вели-  
чества Его.

**2. Стих:** Хвалите Его во гласе трубнем,/ хвалите Его во псалтири и  
гуслех.

**Отче** Богомудре, Ионо святителю,/ ты́, от юности воздержанию по-  
учая́ся,/ и во бдэ́ниях, и в моли́твах, и постéх/ Го́сподеви прибли-  
жа́лся,/ и моли́твенницу всегда призывая Деву Богоро́дицу,/ Еяже  
ради наде́жди не погрешíл еси́./ Те́мже архиерея ты и па́стыря/  
Церкви Своей Христо́с устро́й, // Того моли присно о душа́х наших.

**3. Стих:** Хвалите Его в тимпане и лице,/ хвалите Его во струнах и  
органе.

**Отче** святителю Ионо Богомудре,/ ты от младе́н-ства мирскýй мя-  
теж оставил еси́/ и молвы оттрясл еси́,/ ума чистотбо́ю Богу прибли-  
жая́ся,/ сего ради ты Бог архиерея Церкви/ и людем по достоянию  
Боже́ственного благодателя поставляет./ Всегдамоли́ о нас,/   
низпосла́ти душам нашим мир/ и ве́лию ми́лость.

**4. Стих:** Хвалите Его в кимвалех доброгласных, хвалите Его в ким-  
валех восклицаня./ Всякое дыхание да хвалит Господа.

**Отче** Богомудре, святителю Ио́но,/ ты, измла́да Христа возлюбив,/   
Того любви прилепился еси́/ и, Пресвётлаго Духа Божественными

заря́ми/ сердце твоё просветив,/ светови́ден весь вои́стинну был еси́./ Те́мже ко храму твоему ве́рою притекаю́щия/ проше́ния, я́же ко спасе́нию, сподо́би/ и моли́ Христа Бога спасти́ся душам нашим.

### Слава, глас 6. Самогласен:

Небе́снаго Царя и Владыки преизрядный служи́тель,/ святите́лю Ионо, был еси́,/ чистоту бо соблюл еси́,/ без нея́же никто́же узрит Бога./ Те́мже и возмездие по достоя́нию приял еси́:/ во гробе бо ле́жа, честное тело твоё/ цело и нетленно соблюде́ся,/ душа же к Небесным ликостоя́нием пре́йде./ Сего ради Творцу всех моли́ся присно/ о всех, чтущих тя любовью,/ низпослати мир и ве́лию милость.

**И ныне, Богородичен.**

### НА ЛИТУРГИИ ПО ВХОДЕ:

#### Тропарь, глас 4:

**О**т юности твоей весь сам себе Го́сподеви возложи́в,/ в моли́твах, и трудёх, и в постёх образ быв добродётели,/ отонудуже виде́в Бог твоё благое произволе́ние,/ архиере́я ты и па́стыря Церкви Своей устро́яет./ Те́мже и по преставлении честное тело твоё/ це́ло и нетленно соблюде́ся,/ Ионо святите́лю,/ моли́ Христа Бога, // да спасёт души наша.

### КОНДАК, ГЛАС 8. Подобен: Взбранной:

**Я**ко от младе́нства Господеви поработив себе, мудре,/ постом и я́бдением тело твоё удру́чая,/ те́мже сосуд чист и дом Духу Пресвятому явился еси́,/ сего ради и Церкви Своей тебе архиере́я и па́стыря устро́яет,/ ю́же добре упас, ко Господу отходи́ши, Его́же возлюбил еси́./ Тем молим тя:/ помина́й нас, верою чтущих святу́ю па́мять твою, да вси зове́м ти:/ раду́йся, отче И оно, святите́лю всечестный.

**Прокимен святителя, глас 1:** Уста моя возглаголют премудрость и поучение сердца моего разум.

**Причастен: В** память вечную: